

## AKTIVNOSTI POREZNE UPRAVE FEDERACIJE BIH I ODGOVORI NA PITANJA, NEDOUMICE I NEJASNOĆE U VEZI SA KORIŠTENJEM SUBVENCIJA U FBIH<sup>1</sup>

### UVOD

Zaključkom Vlade Federacije BiH, V. broj 164/2020. od 31.01.2020. godine, korona virus - COVID-19 proglašena je zaraznom bolešću čije je sprečavanje i suzbijanje od interesa za Federaciju Bosne i Hercegovine. Nakon ovog zaključka, Krizni štab Federalnog ministarstva zdravstva donio je više zaključaka, a najznačajniji zaključci koji se odnose na porezne obveznike doneseni su na 7. sjednici održanoj 12.03.2020. godine i 8. sjednici Štaba održanoj 14.03.2020. godine.

Na 7. sjednici Štab je donio naredbu kojom je naloženo kantonalnim kriznim štabovima da na području kantona donesu: a) naredbu o obustavi nastave u osnovnim, srednjim i visokoškolskim obrazovnim ustanovama u trajanju od najmanje 15 dana, računajući od dana donošenja ove naredbe, b) da obustave održavanje kulturnih i sportskih događaja na području kantona ili dozvole održavanje kulturnih i sportskih događaja bez publike, c) da obustave održavanja sportskih takmičenja, sportskih treninga za djecu i mlade, kao i kulturnih manifestacija, d) da obustave rad dječijih vrtića, e) da obustave rad noćnih klubova, diskoteka, sportskih teretana, kina, pozorišta i drugih mjesta javnog okupljanja, izuzev prodavnica i centara za promet prehrambenim artiklima, kao i apoteka i trgovina za promet medicinskih sredstava na malo

Na 8. sjednici Štab je donio naredbu kojom je naloženo kantonalnim kriznim štabovima da na području kantona: a) zabrane rad svakim radnim danom i u dane vikenda ugostiteljskim objektima, noćnim klubovima, kafićima, svadbenim salonima, fitness centrima (fitness, body building klubovima i sličnim oblicima organizovanja), b) zabrane rad u dane vikenda, subotom i nedjeljom: trgovačkim centrima, tržnicama, pijacama (izuzev samostalnih poduzetnika na navednim lokacijama, kao i pijacama na otvorenom), c) u razdoblju od 7 do 18 sati svakim danom ograničava se rad u: trgovačkim

centrima radnim danom, ostalim trgovinskim objektima (svima, uključujući i tržnice na malo-pijace), ugostiteljskim objektima svih vrsta (izuzev ugostiteljskih objekata u okviru vršenja djelatnosti smještaja gostiju), d) ograničen je rad sa kupcima, u razdoblju od 7 do 22 sata: trgovinskim objektima, dragstorima i subjektima koji obavljaju djelatnost proizvodnje hljeba, peciva, tjestenine, svježe tjestenine i kolača (isključivo za prodaju njihovih proizvoda). Naprijed navedene naredbe Kriznog štaba značajno su uticale na rad kako poreznih obveznika, tako i Porezne uprave, a što se u velikoj mjeri odražava na budžete Bosne i Hercegovine, Federacije Bosne i Hercegovine, kantona, općina i fondova.

Vlada Federacije Bosne i Hercegovine je na svojoj 176. hitnoj sjednici održanoj 29.05.2020. godine donijela Odluku o proglašenju prestanka stanja nesreće uzrokovane pojavom korona virusa (COVID-19) na području Federacije BiH (Sl. novine FBiH br. 34/2020). Ovom odlukom utvrđen je prestanak stanja nesreće sa 31.05.2020. godine, a time i sve naprijed navedene zabrane privrednih aktivnosti.

### 1. Osnovne aktivnosti Porezne uprave Federacije BiH u vrijeme stanja nesreće

#### a) Aktivnosti na zdravstvenoj zaštiti

Uloga Porezne uprave je dvojaka i ona treba s jedne strane da bude efikasna i racionalna u ubiranju javnih prihoda, a s druge strane treba da bude dobar servis poreznim obveznicima.

Osnovni cilj da prevashodno obavimo sve one poslove za koje porezni obveznici i građani imaju hitnu potrebu radi ostvarivanja nekih svojih prava samom početku pojave pandemije PUFBIH je reagovala odmah i poduzela niz mjera koje su imale za cilj kontrolisanje situacije i zaštitu zdravlja uposlenika, poreznih obveznika i građana.

Uputili smo apel i poziv svim građanima koji dolaze u Poreznu upravu da se pridržavaju svih preporuka Kriznog štaba koje su postavljene u svim organizacionim jedinicama Porezne uprave

<sup>1</sup> Mr.sci. Šerif Isović, V.d. direktor Porezne uprave Federacije BiH, Husrefa Redžića 4, 71000 Sarajevo E-mail: [puinfo@fpu.gov.ba](mailto:puinfo@fpu.gov.ba)

Federacije BiH, da bez potrebe ili poziva ne dolaze u upravu, a ako već dolaze da to bude samo ako je to neophodno i da se u tom slučaju što kraće zadržavaju u prostorijama, a posebno da izbjegavaju stajanje u redovima i da drže odstojanje od 1,5 m.

PUFBiH je postupila i postupa po svim preporukama Kriznog štaba Federalnog ministarstva zdravstva i Civilne zaštite i Vlade FBiH. Tokom proteklog perioda porezni obveznici su kontinuirano pozivani da porezne prijave dostavljaju putem pošte, e-maila i faksa

Shodno Odluci Vlade Federacije BiH, zaposlenicima je zabranjen izravan kontakt sa strankama, a komunikacija sa obveznicima odvijala se putem e-maila, telefona, faksa i pošte. Zahvaljujući ovim mjerama nijedan od 1.246 zaposlenika Uprave nije pozitivan na virus.

#### b) Prijedlozi fiskalnih mjera za pomoć poreznim obveznicima

Odmah na početku krize, odlukom direktora Porezne uprave produžen je rok za podnošenje godišnjih poreznih prijava do 15.04.2020. godine, a zatim do 30.04.2020. godine, odnosno za 30 dana od roka propisanog zakonom. Također, u skladu sa odlukom direktora Porezne uprave, obustavljeni su postupci prinudne naplate javnih prihoda do isteka 30 dana od dana prestanka stanja nesreće i odgođene su sve javne prodaje zaplijenjene imovine poreznih obveznika u prinudnoj naplati. Zbog svega navedenog, u mjesecu martu 2020. godine, u odnosu na isti mjesec 2019. godine, zabilježen je pad broja predatih prijava za 37,71%, a samo u jednom mjesecu izdato je 51% manje naloga za plaćanje u odnosu na prošlu godinu, dok je prinudnim putem naplaćeno 72,51% manje prihoda u odnosu na isti mjesec 2019. godine.

Od 01.04.2020. godine poreznim obveznicima je stavljena na raspolaganje nova usluga - pregled

sintetičke i analitičke porezne kartice za sve porezne obveznike koji svoje prijave podnose elektronski. Svakodnevno se na serverima Porezne uprave prate promjene i poslovanje obveznika koje se odnose na prijave i odjave radnika, naplatu javnih prihoda i fiskalizaciju. Zbog hitnosti i potrebe za poduzimanjem mjera na ublažavanju posljedica pandemije te pokretanja sinergije u poduzimanju aktivnosti predloženo je više mjera, od čega je široj javnosti poznato njih 11. Sačinjen je i predložen zakon pod nazivom "Zakon o ublažavanju posljedica pandemije izazvane virusom COVID-19".

#### 2. Prijave, odjave radnika i uticaj na javne prihode

Kad je riječ o prijavama i odjavama radnika, Porezna uprava je postigla dnevnu ažurnost kako bi omogućila poreznim obveznicima, ali i odjavljenim radnicima ostvarivanje njihovih prava, i to poreznim obveznicima da im ne teku obaveze, a radnicima blagovremenu prijavu na zavode za zapošljavanje i ostvarivanje prava - naknade od zavoda. Tako je Porezna uprava od 16.03.2020. do 31.05.2020. godine obradila ukupno 73.492 prijave i odjave, od čega se 25.266 odnosi na prijave, a 48.226 na odjave zaposlenika. Imajući u vidu da se broj zaposlenih od 16.03.2020. godine kada je iznosio 534.076 na dan 31.05.2020. godine smanjio na 512.820, može se zaključiti da se broj zaposlenih u Federaciji BiH smanjio za 21.256. Također treba imati u vidu da je u vrijeme nesreće najmanji broj zaposlenih u Federaciji BiH bio na dan 08.05.2020. godine i iznosio je 507.376, kada je zabilježeno smanjenje radnika za 26.700. Upravo ove odjave, odnosno prestanci radnih odnosa, će imati značajan uticaj i na naplatu javnih prihoda u budućem periodu. Naime, ukoliko se za pretpostavku uzme da su otpušteni radnici primali prosječnu bruto plaću Federacije BiH koja je u 2019. godini iznosila 1.427,00 KM, može se procijeniti da će se samo po osnovu doprinosa na plaće gubiti mjesečni prihod od preko 14 miliona KM.

Tabela br.1: Prijave i odjave radnika

stanje zaposlenih 16.03.2020	534.076
stanje zaposlenih 08.05.2020	507.376
ukupan broj odjava	42.169
ukupan broj prijava	59.526
ukupan br. obrađenih prijava i odjava	101.695
stanje zaposlenih 25.06.2020	517.615
povećanje br. zaposlenih od 08.05.2020	10.239

### 3. Naplata javnih prihoda u vrijeme pandemije

Porezna uprava na dnevnoj osnovi prati i analizira uplatu svih javnih prihoda za koje je nadležna. Naplata javnih prihoda u 2020. godini za koje je nadležna Porezna uprava započela je sa rastom javnih prihoda, jer je u januaru 2020. godine, u odnosu na januar 2019. godine, zabilježen rast za 2,54% ili za preko 10,5 miliona KM. Međutim, već u martu bilježi se pad od 14,55%, u aprilu pad od 18% i mjesecu maju pad od 10,5%, posmatrajući u odnosu na uporedne mjesece prethodne godine. U periodu januar – maj 2020. godine porezni obveznici Federacije BiH su uplatili 2.056.791.380 KM javnih prihoda za

koje je nadležna Porezna uprava Federacije BiH, što je u odnosu na isti period 2019. godine manje za 142.256.073 KM, ili za 6,47%.

### 4. Promet fiskalnih uređaja

Porezna uprava kontinuirano prati promet evidentiran putem fiskalnih uređaja na serveru Porezne uprave. Naime, sa 31.05.2020. godine u sistemu fiskalizacije se nalazi 83.688 fiskalnih uređaja, od čega se 51.968 odnosi na pravna lica, a 31.720 na obrtnike. O promjenama, odnosno padu prometa preko fiskalnih uređaja, najbolje govori slijedeća tabela:

Tabela br.2: Promet finansijskih uređaja

Mjesec	Podaci za 2019		Podaci za 2020		Razlika KM (2020-2019)
	br. uređaja	Promet KM 2019	br. uređaja	Promet KM 2020	
januar	65.780	3.023.681.361	81.003	3.237.672.384	213.991.023
februar	66.893	3.214.711.604	82.159	3.354.859.678	140.148.075
mart	68.008	3.628.477.698	82.947	3.264.598.135	-363.879.562
april	69.449	3.959.883.085	83.408	2.497.013.463	-1.462.869.622
maj	69.692	3.855.009.562	83.688	2.777.995.533	-1.077.014.028,67
do 25.06.	70.609	3.023.018.165	84.006	2.638.278.053	-384.740.111
ukupno		11.443.370.344		8.539.607.132	-2.903.763.213

### 5. Priprema Porezne uprave za implementaciju Zakona o ublažavanju negativnih ekonomskih posljedica

Zakon stupio na snagu 08.05.2020. godine i prestaje 60 dana od dana proglašenja stanje nesreće, stanje nesreće ukinuto 30.05.2020. godine, primjenjuje se do 30.07.2020.

Zakon uređuje:

- subvencioniranje doprinosa,
- obustava obračuna i plaćanja zatezne kamate na javne prihode,
- ukidanje obaveze plaćanje akontacije poreza na dobit,
- ukidanje obaveze plaćanje akontacije poreza na dohodak od samostalne djelatnosti,
- obustavljanje obračuna zateznih kamata na zakašnjela plaćanja u dužničko – povjerilačkim odnosima,

- obustavljanje postupaka prinudne naplate,
- propisi donešeni na nivou Federacije kojima je uređeno namjensko korištenje sredstava neće se primjenjivati do isteka 60 dana po prestanku nesreće,
- uspostavlja se Garancijski fond s incijalnim sredstvima od 80 miliona,
- propisuje se obavezno zdravstveno osiguranje svim građanima Federacije za vrijeme trajanja stanja nesreće i do isteka 30 dana od proglašenja prestanka stanja nesreće.

Prema članu 2. i 4. Zakona pravo na subvencioniranje doprinosa imaju porezni obveznici koji ispunjavaju sljedeća dva uslova i to:

1. da su izmirili obaveze za doprinose i porez na dohodak uz isplaćene plaće zaključno sa februarom 2020. godine i
2. da imaju pad ostvarenog prometa 20% i više u odnosu na ostvareni promet u istom mjesecu 2019. godine.

Pravo na subvenciju imaju:

1. porezni obveznici sa sjedištem u Federaciji BiH i to samo za zaposlenike koji rade u Federaciji BiH.
2. obrtnici koji paušalno plaćaju porez na dohodak ili obavljaju niskoakumulativnu djelatnost (mišljenje FMF- 04-02-4-3479 E.J./20 od 12.05.2020. godine).

Pravo na subvenciju nemaju:

1. porezni obveznici za zaposlenike u poslovnim jedinicama RS-a i BD.
2. poslovne jedinice privrednih subjekata čije je sjedište u RS-u ili BD.
3. javna preduzeća, banke i druge finansijske organizacije, udruženja, javne institucije, organi uprave, organi i jedinice lokalne samouprave i obveznici uplate doprinosa koji su registrovani nakon 01.03.2020. godine.

Porezna uprava je kreirala zahtjev za subvencioniranje doprinosa "Obrazac - ZSD" i prije isteka roka i isti je zajedno sa uputstvom za sačinjavanje i podnošenje zahtjeva objavila na web stranici Porezne uprave 12.06.2020. godine, čime je poreznim obveznicima za mjesec april omogućen duži rok za podnošenje zahtjeva. U cilju olakšanja popunjavanja i predaje

Zahtjeva za subvencioniranje doprinosa Porezna uprava je sačinila i Uputstvo za sačinjavanje i podnošenje zahtjeva za subvencioniranje doprinosa za obavezna osiguranja. Svi podaci u Obrazac ZSD se unose iz poslovnih knjiga i evidencija podnosioca zahtjeva i isti trebaju odgovarati stanju u poslovnim knjigama. Rok za podnošenje zahtjeva i poreznih prijave do 10.tog u tekućem mjesecu za prethodni mjesec, a za april je bio 29.05.2020, također za mjesec juni rok za podnošenje zahtjeva za refundaciju doprinosa produžen je do 20.07.2020.

Uputstvo i Zahtjev za subvenciju se nalaze na web stranici Porezne uprave. Također, da bi poreznim obveznicima bilo olakšano ostvarivanje njihovih prava i obezbijeđeno jednako postupanje svih zaposlenih u Poreznoj upravi, doneseno je i Uputstvo za postupanje zaposlenih u poreznim ispostavama po zahtjevima za subvencioniranje doprinosa.

Porezna uprava je za mjesec april 2020. godine zaprimila 25.039 zahtjeva za ostvarivanje prava na subvencioniranje obaveznih doprinosa na kojima su iskazani zahtjevi za subvenciju doprinosa za 174.471 radnika I ukupnom vrijednošću od 40.464.321,88 KM. Broj zahtjeva po kantonima prikazan je u slijedećoj tabeli:

R.b.	Naziv kantonalnog poreznog ureda	Br. privrednih subjekata	Br. radnika za koje se traži subvencija	Iznos KM po zahtjevu za subvencioniranje
1.	KPU SARAJEVO	6.750	44.049	10.385.644,38
2.	KPU TUZLA	4.601	36.627	8.627.576,43
3.	KPU ZENICA	3.961	27.407	6.101.024,36
4.	KPU MOSTAR	2.894	18.624	4.331.804,42
5.	KPU BIHAĆ	2.307	11.218	2.672.246,06
6.	KPU NOVI TRAVNIK	2.332	19.272	4.232.149,96
7.	KPU LJUBUŠKI	1.100	10.280	2.491.035,31
8.	KPU LIVNO	482	2.423	567.083,66
9.	KPU ORAŠJE	350	2.313	569.762,38
10.	KPU GORAŽDE	262	2.258	485.994,92
11.	UKUPNO SVI KPU	25.039	174.471	40.464.321,88

**PITANJE:** Da li pravo na subvenciju imaju porezni obveznici koji nisu izmirili obaveze za doprinose i porez na dohodak uz isplaćene plaće za mjesec mart 2020. godine?

**ODGOVOR:** prema članu 4. stav 7. Zakona pravo na subvencioniranje doprinosa imaju poslovni subjekti i poduzetnici uz uslov da su izmirene obaveze za doprinose i porez na dohodak uz isplaćene plaće zaključno sa februarom 2020.godine. Znači uslov za subvenciju nije da su izmirene i obaveze za mart i ostale mjesece 2020 godine.

**PITANJE:** Da li porezni obveznik čije je sjedište u FBiH ima pravo na subvenciju doprinosa za radnike zaposlene u poslovnim jedinicama čije je sjedište u RS-u ili BD?

**ODGOVOR:** Poslovna jedinica privrednih subjekata čije je sjedište u RS-u ili BD nema pravo na subvencioniranje doprinosa jer se subvencije odnose na poslovne subjekte iz člana 2 tačka a) Zakona (pravna lica, odnosno, privredna društva i samostalne poduzetnike) imajući u vidu da, u skladu sa Zakonom o doprinosima, obveznici uplate doprinosa nisu poslovne jedinice.

**PITANJE:** Da li pravo na subvenciju ostvaruje samostalni poduzetnik čija je djelatnost u Federaciji BiH, a prebivalište poduzetnika u RS-u?

**ODGOVOR:** Samostalni privrednik čije je prebivalište u RS –u ima pravo na subvencioniranje doprinosa jer je samostalni poduzetnik registrovan u Federaciji BiH i djelatnost obavlja u Federaciji BiH.

**PITANJE:** Obveznici koji su registrovani nakon juna 2019 g. i nemaju mjesec za uporedbu pada prometa, koji će se kriterij poređenja postaviti?

**ODGOVOR:** Za obveznike koji su registrovani nakon juna 2019.godine. koristi se prosjek u 2019 godini.

**PITANJE:** Imaju li pravo na subvenciju doprinosa porezni obveznici koji su registrovani nakon 01.03.2020. godine ?

**ODGOVOR:** Pravo na subvencije ne mogu ostvariti porezni obveznici koji su registrovani nakon 01.03.2020. g. jer ne ispunjavaju propisane uslove (prvi uslov je da su uredno izmirili obaveze plaća za januar i februar ove godine).

**PITANJE:** Imaju li pravo na subvenciju doprinosa obveznici koji su registrovani u mjesecu januaru i februaru 2020.godine i koji će se parametar uzeti za poređenje prometa?

**ODGOVOR:** Porezni obveznici koji su registrovani u januaru ili februaru 2020. g. imaju pravo na subvencije pod uslovom da su isplaćene plaće za januar i februar i uz isplatu plaća izmirene obaveze za doprinose i porez na dohodak, ovisno od momenta registracije, a parametar za poređenje prometa je prosek januarai februara.

**PITANJE:** Da li pravo na subvenciju doprinosa po osnovu Zakona u ublažavanju negativnih ekonomskih posljedica imaju poslodavci za radnike za koje koriste:

- a) Poticaje po programima zapošljavanja kantonalnih službi za zapošljavanje i Federalnog zavoda za zapošljavanje
- b) Refundacije od Fonda za profesionalnu rehabilitaciju i zapošljavanje osoba sa invalidetom
- c) Refundaciju od Zavoda zdravstvenog osiguranja za bolovanje preko 42 dana?

**ODGOVOR:** U slučaju da poslodavac koristi olakšice za plaće radnika u smislu da se plaća ili dio plaća isplaćuje na teret vanbudžetskih fondova, a istim olakšicama se snosi dio doprinosa koji je u manjem iznosu subvencije predviđene Zakonom o ublažavanju negativnih ekonomskih posljedica, poslodavac koji ispunjava ostale uslove propisane istim Zakonom ima pravo na subvenciju dijela doprinosa a do iznosa propisanog u Zakonu (244,85 KM) Na primjer, poslodavac ima pravo na refundaciju toškova po osnovu doprinosa od strane Zavoda za zapošljavanje u iznosu od 180,00 KM na mjesečnom nivou u tom slučaju ima pravo na subvencioniranje doprinosa u iznosu od 64,85 KM (244,85-180).

**PITANJE:** Ako podaci o ostvarenom prometu preko fiskalnog uređaja nisu uporedivi za isti uporedni period, na primjer: evidentiran je vanredni promet u aprilu 2020 godine od prodaje nekretnine što nije redovna djelatnost poslovnog subjekta, preko fiskalnih uređaja je evidentirana interna potrošnja, izdati fiskalni računi po osnovu privremenih situacija (avansnih faktura) i sl. da li se u ovim slučajevima pad ostvarenog prometa može računati eliminacijom ovih vanrednih i neobičajenih proneta / prihoda u 2020 godini ?

**ODGOVOR:** ne može jer se posmatra ostvareni promet/prihod evidentiran putem fiskalnog uređaja, neovisno o pojedinačnim okolnostima. Odredbama člana 4. stav (4) Zakona je propisano da ostvareni promet, koji je uslov za sticanje prava na subvencioniranje doprinosa utvrđuje na osnovu podataka o evidentiranom prometu putem fiskalnih sistema. Zakonom o fiskalnim sistemima je propisana obaveza evidentiranja prometa putem fiskalnog uređaja i dostavljanja podataka na server Porezne uprave. Promet koji se evidentira na fiskalnim sistemima jesu podaci o vrijednosti prodatog dobra, odnosno izvršene usluge, neovisno da li su iz redovne djelatnosti ili ne, jer zakon nije napravio diskriminaciju (član 2. Zakona o fiskalnim sistemima). Ukoliko je podnosilac zahtjeva za subvencioniranje, evidentirao promet na fiskalnom uređaju za koji smatra da nije trebao sukladno odredbama Zakona o fiskalnim sistemima, Porezna uprava je dužna riješiti ovo prethodno pitanje, prije odlučivanja o zahtjevu za subvencioniranje.

**PITANJE:** Hoće li se i kome obračunavati kamata na javne prihode za vrijeme trajanja nesreće i do kada (član 6. st. 1; 2. i 3 Zakona) ?

**ODGOVOR:** Članom 3 je propisano da se odredbe Zakon odnose se na sve poslovne subjekte koji ispunjavaju uslove propisane Zakonom (ne moraju da koriste). Znači kamata će se obračunavati: javnim preduzećima, banakama, drugim finansijskim organizacijama, udruženjima, javnim institucijama, organima uprave, organima i jedinicama lokalne samouprave i svim obveznicima koji ne ispunjavaju uslov za subvenciju doprinosa. Obveznicima koji ispunjavaju propisane uslove kamate se neće obračunavati do 30.07.2020 godine.

**PITANJE:** Ko i za koji period ima pravo na ukidanje pladanja akontacije poreza na dobit ?

**ODGOVOR:** Članom 7. Zakona je propisano da ukidanje obaveze pladanja akontacije poreza na dobit imaju porezni obveznici koji ukoliko isključivo koriste poticaj odnosno subvencije iz člana 4. Zakona. Znači ako obveznici ne koriste subvenciju nisu oslobođeni pladanja akontacije poreza na dobit. Ukoliko su oporezni obveznici stekli pravo na subvenciju doprinosa bar za jedan mjesec, ali ne i za druge, imaju pravo da koriste olakšicu iz člana 7. Zakona odnosno da ne pladaju akontaciju poreza na dobit do 30.07.2020 godine. Ovde treba imati u vidu i odredbe člana 52 Zakona o porezu na dobit prema kojem se iznos mjesečne akontacije poreza na dobit može izmijeniti zbog prirodne i druge nesrede koje su bitno uticale na poslovanje poreznog obveznika ili na osnovu inspeksijskog nadzora Porezne uprave ili na osnovu drugih podataka o poslovanju poreznog obveznika kojima raspolaže PU.

**PITANJE:** Da li se ukidanje obaveza plaćanja akontacije poreza na dohodak odnosi na akontacije poreza na dohodak u 2020. godini koje su dospjele na plaćanje u periodu važenja Zakona, tj. od 08.05.2020. godine do dana kada prestaje važiti Zakon ili se ukidanje plaćanja akontacije poreza na dohodak odnosi na cijelu 2020. godinu? Da li je pravo na ukidanje obaveze plaćanja akontacije poreza na dohodak iz člana 8. Zakona uslovljeno korištenjem subvencije iz člana 4: Zakona, ili je dovoljno da se radi o samostalnom poduzetniku koji ispunjava propisane uslove iako ne koristi pravo na subvenciju (ukoliko je dovoljno, na koji način ovo pravo ostvaruje)?

**ODGOVOR:** Odredbama člana 8. Zakona je propisano ukidanje obaveze plaćanje akontacije poreza na dohodak od samostalne djelatnosti za 2020. godinu i to obveznicima koji koriste subvencije iz člana 4. Zakona neovisno kada je akontacija dospjela na naplatu sve do dana kada prestaje da važi ovaj Zakon tj. do 30.07.2020. i to isključivo ukoliko koriste poticaj iz člana 4. Zakona o ublažavanju negativnih ekonomskih posljedica.

**PITANJE:** Ukoliko pravo na subvenciju doprinosa poslovni subjekt koristi za mjesec april, a nakon toga ne ispunjava uslove iz člana 4. Zakona ili ispunjava uslove, ali ne koristi pravo na subvencioniranje doprinosa, da li ukidanje plaćanja akontacije poreza na dobit ostaje na snazi sve do kraja perioda važenja Zakona o ublažavanju negativnih ekonomskih posljedica?

**ODGOVOR:** Ako je obveznik ostvario pravo na subvenciju bar za jedan mjesec (samo april 2020. godine), ali ne i za druge mjesece, ima pravo da koristi olakšicu iz člana 7. Zakona (ne plaća akontaciju poreza na dobit), sve do dana kad prestaje da važi Zakon tj. do 30.07.2020

**PITANJE:** Ukoliko samostalni poduzetnik koristi pravo na subvenciju iz člana 4. Zakona za mjesec april 2020. godine, a za naredni mjesec ne ostvaruje pravo na subvenciju ili ostvaruje pravo, ali isto ne koristi, da li pravo na ukidanje plaćanja akontacije poreza na dohodak ostaje na snazi sve do kraja perioda važenja Zakona o ublažavanju negativnih ekonomskih posljedica?

**ODGOVOR:** Ako samostalni poduzetnik ostvari pravo na subvenciju doprinosa bar za jedan mjesec (samo april 2020. godine), ali ne i za druge mjesece, imaju pravo da koriste olakšicu iz člana 8. Zakona (ne plaća akontaciju poreza na dohodak), sve do dana kad prestaje da važi Zakon tj. do 30.07.2020.

**PITANJE:** Da li privatne ustanove (kao što su npr. privatne predškolske ustanove – vrtići, privatne zdravstvene ustanove, privatne ustanove socijalne zaštite i dr.), kao i ostali poslovni subjekti koji potpadaju pod „realni sektor“, imaju pravo na subvencioniranje doprinosa u skladu sa članom 4. Zakona?

**ODGOVOR:** Privatne ustanove (kao što su npr. privatne predškolske ustanove-vrtići, privatne zdravstvene ustanove, i sl.) kao i ostali poslovni subjekti koji se ne finansiraju (u cijelosti ili djelimično iz javnih sredstava nego prihode ostvaruju isključivo od prodaje svojih usluga na tržištu (pripadaju „realnom sektoru“) i nisu izuzeti članom 2. tačka a) Zakona (javna preduzeta, banke i druge finansijske organizacije, udruženja, javne institucije, organi uprave, organi i jedinice lokalne samouprave), imaju pravo na subvenciju doprinosa u skladu sa odredbama Zakona o ublažavanju negativnih ekonomskih posljedica.